



“ZIYOLI AVLOD”



“RESPUBLIKA TANLOVI”

NIZOMI

2025-YIL

“ZIYOLI AVLOD” XALQARO IJODIY TASHKILOTI

“SEHRLI RANGLAR”
NOMLI RESPUBLIKA IJODIY TANLOVI
NIZOMI

Mazkur nizom **“ZIYOLI AVLOD”** xalqaro ijodiy tashkiloti tomonidan O‘zbekiston Respublikasining “Yoshlarga oid davlat siyosati to‘g‘risida” 2016-yil 14-sentyabrdagi O‘RQ-406-son Qonuni, O‘zbekiston Respublikasi Prezidentining “2022 – 2026-yillarga mo‘ljallangan yangi O‘zbekistonning taraqqiyot strategiyasi to‘g‘risida” 2022-yil 28-yanvardagi PF-60-son Farmoni, “Tasviriy va amaliy san‘at sohasini yanada rivojlantirishga doir qo‘shimcha chora-tadbirlar to‘g‘risida” 2025-yil 1-iyuldagi 212-son qarori, “Madaniyat va san‘at sohasining jamiyat hayotidagi o‘rni va ta‘sirini yanada oshirish chora-tadbirlari to‘g‘risida” 2020-yil 26-maydagi PF-6000-son Farmoni, O‘zbekiston Respublikasi Prezidentining hamda Vazirlar Mahkamasining Tasviriy va amaliy san‘at turlarini rivojlantirishga oid tegishli qarorlariga asosan, shuningdek, O‘zbekiston Respublikasi Prezidenti tomonidan ilgari surilgan 5 ta muhim tashabbusning birinchi yo‘nalishi yoshlarni madaniyat va san‘atga qiziqishini oshirish ularning ijodiy salohiyatini rivojlantirish, yoshlarni qo‘llab-quvvatlash, yangi iste‘dodlarni izlab topish, badiiy san‘atimizni keng targ‘ib etish maqsadida tashkil etiladigan **“Sehrlı ranglar”** Respublika yosh ijodkorlar tanlovini (*keyingi o‘rinlarda “tanlov” deb yuritiladi*) tashkil etish va o‘tkazish tartibini belgilaydi.

1-bob. Umumiy qoidalar

1.1. Tanlov O‘zbekiston Respublikasi Madaniyat vazirligi, Maktabgacha va maktab ta‘limi vazirligi, Oliy ta‘lim, fan va innovatsiyalar vazirligi, O‘zbekiston Badiiy akademiyasi tasarrufidagi musiqa va san‘at yo‘nalishidagi tashkilot va muassasalar jumladan, bolalar musiqa va san‘at maktablari, ixtisoslashtirilgan san‘at va madaniyat maktablari, maktab-internatlari, barkamol avlod bolalar maktablari hamda umumta‘lim maktablari o‘quvchilari, oliy ta‘lim muassasalari talabalari hamda madaniyat markazlarining to‘garak qatnashchilari ishtirokida o‘tkaziladi.

1.2. Tanlovni tashkil etish va o‘tkazish jarayoni **Tanlovni tashkil etish va o‘tkazish bo‘yicha tashkiliy qo‘mita – “Ziyoli avlod” xalqaro ijodiy tashkiloti** (*keyingi*

o'rinlarda matnda "tashkiliy qo'mita" deb yuritiladi) tomonidan muvofiqlashtiriladi va boshqariladi.

2-bob. Tanlovning maqsadlari

2.1. Iqtidorli yoshlarni izlab topish va ularning iste'dodini yuzaga chiqarish. Tasviriy san'at, amaliy san'at va dizayn yo'nalishlarida iqtidorli yoshlarni aniqlash, qo'llab-quvvatlash va rag'batlantirish.

2.2. Milliy va zamonaviy san'at turlarini rivojlantirish, o'rganish va keng targ'ib etishga ko'maklashish.

2.3. Yoshlarni tasviriy va amaliy san'at turlariga qiziqishini yanada oshirish.

2.4. Yoshlar o'rtasida vatanga muhabbat, ona yurtga sadoqat tuyg'ularini shakllantirish, yoshlarning bo'sh vaqtini mazmunli tashkil etishga ko'maklashish.

2.5. Ishtirokchilarni birlashtirgan ijodiy muhit, hamkorlik va tajriba almashinuvi uchun qulay sharoit yaratish.

3-bob. Tanlovni tashkil etish va o'tkazish

3.1. Tanlov har yili bir marta an'anaviy (oflayn) tarzda o'tkaziladi. Tanlovning o'tkazilish muddatlari va joyi tashkiliy qo'mita tomonidan ijtimoiy tarmoqlardagi rasmiy sahifalarida e'lon qilinadi.

3.2. Zarurat tug'ilganda tanlov nizomiga o'zgartirish kiritish, hujjatlarni qabul qilish va tanlov o'tkazilishi, taqdirlash marosimi vaqti va joyini o'zgartirish tashkiliy qo'mita vakolatida bo'lib, bu haqida tashkilotning rasmiy veb sayti hamda ijtimoiy tarmoqlardagi sahifalari orqali kamida 1 kun oldin e'lon qilinadi.

3.3. Ishtirokchilar ixtiyoriy tarzda bir yoki bir nechta yo'nalish va nominatsiyalarda ishtirok etishi mumkin. Bunda, har bir ishtirok uchun alohida ro'yxatdan o'tish talab etiladi.

3.4. Belgilangan talablarga rioya qilmagan taqdirda ishtirokchilar hakamlar hay'ati yoki tashkiliy qo'mita tomonidan tanlovdan chetlashtiriladi.

3.5. Tanlovni o'tkazish jarayonlari bo'yicha kelib chiqadigan nizolar Tashkiliy qo'mita tomonidan tartibga solinadi.

3.6. Tanlovni tashkil etish va o'tkazish dasturi ishlab chiqilib, tashkiliy guruh tomonidan tayyorlangan takliflar ishtirokchilarga taqdim etiladi. Bunda, tanlov yakuniga qadar Mehmonxona (*yoki yashash joyi*), ovqatlanish, transport xizmatlari va boshqa ko'ngilochar dasturlar ko'zda tutiladi. Ishtirok uchun to'lanadigan mablag' mazkur xizmatlarni o'z ichiga olmaydi. Qo'shimcha xizmatlardan kelishuv asosida foydalanish mumkin bo'lib, ixtiyoriy hisoblanadi (*majburiy emas*).

3.7. Tanlovda ishtirokchilar faqat yakka holda ishtirok etadi.

4-bob. Tanlovda ishtirokchilarning yosh toifalari

4.1. Tanlovda ishtirokchilar quyidagi yosh toifalari bo'yicha qatnashadi:

1. 6-8 yosh
2. 9-11 yosh
3. 12-14 yosh
4. 15-17 yosh
5. 18-20 yosh
6. 21-25 yosh
7. 26-30 yosh

5-bob. Tanlov yo'nalishlari (Nominatsiya)

Birinchi yo'nalish: Dastgohli rangtasvir

Ikkinchi yo'nalish: Dastgohli grafika

Uchinchi yo'nalish: Miniatur

To'rtinchi yo'nalish: Haykaltaroshlik

Beshinchi yo'nalish: Amaliy san'at (badiiy naqqoshlik)

Oltinchi yo'nalish: Dizayn (libos va gazlamalar)

Yettinchi yo'nalish: Dizayn (reklama va amaliy grafika)

6-bob. Ishtirok etish shartlari

6.1. Chizish (yoki yasash) uchun quyidagi reglament (davomiyligi)ga rioya qilish talab etiladi:

1. Dastgohli rangtasvir – 3 soatgacha
2. Dastgohli grafika – 3 soatgacha
3. Miniatyura – 3 soatgacha
4. Haykaltaroshlik – 4 soatgacha
5. Amaliy san'at (badiiy naqqoshlik) – 4 soatgacha
6. Dizayn (libos va gazlamalar) – 3 soatgacha
7. Dizayn (reklama va amaliy grafika) – 4 soatgacha

6.2. Ishtirokchilar uchun majburiy asar mavzulari tanlovda yo'nalishlar bo'yicha umumiy bilet olish orqali aniqlaniladi.

6.3. Yuqoridagi reglament qat'iy hisoblanib, unga rioya qilinmagan taqdirda hakamlar hay'ati tomonidan ishtirokdan chetlatish mumkin. Shuningdek, baholashda reglamentga rioya qilinmaganligi inobatga olinadi.

6.4. Ishtirokchilar faqat 1 ta asar chizadi (yoki yasaydi), davomiyligidan qat'iy nazar belgilangan reglament ichida ikkinchi asarni chizish (yoki yasash)ga yo'l qo'yilmaydi.

6.5. Barcha yo'nalishlar bo'yicha ishtirokchilar tanlovda faqat jarayonning o'zida chizish (yoki yasash)lari talab etiladi. Ishtirokchilarining tanlovgacha bo'lgan vaqtda (uyida) bajargan ishlari qabul qilinmaydi. Tanlov jarayonida ajratilgan vaqt davomida yaratilgan ijodiy ish baholanadi.

6.6. Tanlovning barcha ishtirokchilari tanlovda qatnashish uchun zarur bo'lgan barcha narsalar va jihozlarni (bo'yoq, qog'oz, rekvizit, mat ova detallar, hom-ashyo va boshqalar) o'zlari bilan olib kelishlari talab etiladi. Yuqoridagilar bo'yicha tashkiliy guruh majburiyat olmaydi.

6.7. Ishtirokchilar ro'yxatdan o'tish jarayonida taqdim etgan ma'lumotlarining aniq va to'g'riligiga javobgar hisoblanadi. Agar ma'lumotlar noto'g'ri taqdim etilgan bo'lsa bu ularning tanlovdan chetlashtirilishiga sabab bo'lishi mumkin.

7-bob. Hakamlar hay'ati tarkibi

7.1. Hakamlar hay'ati tarkibi professor-o'qituvchilar oliy toifali pedagoglar, tasviriy va amaliy san'at sohasining tajribali mutaxassislari hamda professional mutaxassislardan shakllantiriladi.

7.2. Korrupsiya va manfaatlar to'qnashuvini oldini olish maqsadida hakamlar hay'ati tarkibi oldindan oshkor etilmaydi.

7.3. Tanlov ishtirokchilari hakamlar hay'ati tomonidan baholanadi. Hakamlar hay'atiga ta'sir o'tkazishga urinish tanlovdan chetlashtirishga sabab bo'ladi.

7.4. Hakamlar hay'atining qarorlari yakuniy va hal qiluvchi hisoblanib, qayta ko'rib chiqilmaydi. Baholashdan norozi bo'lgan ishtirokchilarga berilgan baholar yuzasidan hakamlar hay'ati tomonidan tushuntirish berilishi mumkin. Biroq, berilgan o'rinlar o'zgartirilmaydi.

7.5. Tanlovda Gran-Prini belgilash hakamlar hay'atining tavsiyasi bilan tashkiliy qo'mita tomonidan ko'rib chiqiladi.

8-bob. Ishtirokchilarni baholash mezonlari

8.1. Tanlov ishtirokchilari hakamlar hay'ati tomonidan 100 ballik tizimda quyidagicha baholanadi:

1. 100 ball – **Gran Pri**
2. 90-99 ball – **1-o'rin (birinchi darajali diplom)**
3. 80-89 ball – **2-o'rin (ikkinchi darajali diplom)**
4. 70-79 ball – **3-o'rin (uchinchi darajali diplom)**
5. 1-69-ball diplom

Izoh: Bir yo'nalishdan ikkita Gran Pri belgilanmaydi. Shuningdek, biror yo'nalishdan Gran Pri sovriniga loyiq ishtirokchi aniqlanmagan taqdirda ushbu yo'nalishga Gran Pri sovrini berilmaydi.

Baholash mezonlari quyidagicha:

8.2. Tasviriy, amaliy san'at va dizayn yo'nalishida baholash mezonlari (100 ball):

- a) Ijro texnikasi va ijodiy mahorat – 30 ball
- b) Mavzuni ochib berish va kompozitsion yechim – 25 ball
- c) Rang va shakllardan foydalanish, kompozitsiya uyg'unligi – 20 ball
- d) Ijodiy yondashuv va innovatsion elementlar – 15 ball
- e) Vaqtga rioya qilish va jarayonni boshqarish – 10 ball

9-bob. Tanlov g'olib va sovrindorlarini hamda ishtirokchilarni rag'batlantirish

9.1. G'olib va sovrindorlar hamda ishtirokchilar quyidagicha rag'batlantiriladi:

- a) barcha ishtirokchilarga diplomlar va esdalik sovg'alar;
- b) ishtirokchilarning o'qituvchilariga tashakkurnomalar;
- c) **1-2-3-o'rin** sovrindorlariga medallar;
- d) **Gran Pri** sohiblariga qimmatbaho sovg'alar, tanlovning maxsus statuetskasi, tegishli Gran Pri diplomi taqdim etiladi. Bundan tashqari, **xorijda bo'lib o'tadigan tanlov uchun bepul yo'llanma.**

9.2. Tanlov ishtirokchilari orasidan (g'olib va sovrindorlar bundan mustasno) qo'shimcha ravishda quyidagi maxsus nominatsiyalarga munosib deb topilgan qatnashchilar aniqlanadi:

1. "Eng yaxshi rangtasvirchi rassom" (dastgohli rangtasvir yo'nalishida)
2. "Eng mohir grafik rassom" (dastgohli grafika yo'nalishida)
3. "Eng yaxshi haykaltarosh" (Haykaltaroshlik yo'nalishi)
4. "Eng yaxshi naqqosh" (tasviriy va amaliy san'at yo'nalishi)

Yuqoridagi nominatsiya sovrindorlariga "Ziyoli avlod" xalqaro ijodiy tashkiloti tomonidan O'zbekiston hududida o'tkaziladigan loyihalarda bir martalik bepul ishtirok etish uchun maxsus sertifikat beriladi. Shunindek, maxsus sovg'alar bilan taqdirlanadi.

9.3. Tanlovning g'olib va sovrindorlari "Ziyoli avlod" xalqaro ijodiy tashkilotining iqtidorli yoshlar ro'yxatiga kiritiladi, Respublika darajasida tashkil etiladigan ko'rgazmalarda ishtirok etadi. Shuningdek, tashkilotning xalqaro loyihalariga jalb etiladi.

9.4. Tanlov g'oliblari orasidan eng ko'p o'quvchisi aniqlangan pedagog - **"Eng yaxshi pedagog"**, ta'lim muassasasi rahbari esa **"Eng tashabbuskor rahbar"** maxsus nominatsiyalari hamda tashkiliy guruhning maxsus sovg'alari bilan taqdirlanadi.

10-bob. Tanlov tashkilotchilari

10.1. Tanlov "Ziyoli avlod" xalqaro ijodiy tashkiloti tomonidan O'zbekiston Respublikasi Madaniyat vazirligi, O'zbekiston Respublikasi Maktabgacha va maktab ta'limi vazirligi, O'zbekiston Respublikasi Oliy ta'lim, fan va innovatsiyalar vazirligi, O'zbekiston Respublikasi Yoshlar ishlari agentligi, O'zbekiston Badiiy akademiyasi, Kamoliddin Behzod nomidagi milliy rassomlik va dizayn instituti, hududiy hokimiyatlar, Barkamol avlod bolalar maktablari hamda boshqa tashkilot va muassasalar ko'magida tashkil etiladi.

10.2. Hamkor tashkilotlar tanlovni tashkil etish va o'tkazish yuzasidan hamkorlik qiladi, javobgarlik va majburiyat olmaydi, barcha tashkiliy masalalar "Ziyoli avlod" xalqaro ijodiy tashkiloti tomonidan amalga oshiriladi.

11-bob. Tanlovda ishtirok etish

11.1. Tanlovda ishtirok etish uchun ariza topshirish orqali ishtirokchi tanlovning barcha shartlarini qabul qiladi.

11.2. Ariza belgilangan tartibda elektron shaklda to'ldirilib, so'ralgan barcha hujjatlar va materiallar ilova qilinadi.

11.3. Tashkiliy qo'mita mas'ul xodimi yozma tasdiqlagandan keyingina ariza qabul qilingan hisoblanadi.

11.4. Ariza qabul qilinganidan keyin, xujjatlarga va ishtirok uchun taqdim etilgan materiallarga o'zgartirish kiritilishi va almashtirilishiga yo'l qo'yilmaydi.

11.5. Ariza qabul qilinganidan keyin, ishtirokchi o'z xoxishiga ko'ra tanlovda ishtirok etishdan bosh tortgan taqdirda, shuningdek, tanlov natijalaridan norozi bo'lgan taqdirda ishtirok uchun undirilgan mablag' qaytarilmaydi.

11.6. Arizalarni qabul qilish vaqti belgilangan muddatidan oldin yopilishi yoki uzaytirilishi mumkin. Bunday hollarda tashkiliy qo'mita tomonidan kamida 1 kun oldin e'lon beriladi.

11.7. Tashkiliy qo'mita tanlov bilan bog'liq barcha foto va video materiallardan, shuningdek, ishtirokchilar haqidagi axborot materiallaridan O'zbekiston hududida va undan tashqarida tijorat-reklama maqsadlarida bepul foydalanishga, ijtimoiy tarmoqlar va OAV orqali yoritishga haqli.

11.8. Tanlovda ishtirok etish uchun to'lov undiriladi. To'lov miqdorlari quyida (13-bob) ko'rsatiladi. Tanlov dasturi tashkilotning rasmiy veb sayti hamda ijtimoiy tarmoqlardagi rasmiy sahifalariga joylashtiriladi.

12-bob. Tanlovni moliyalashtirish

12.1. Tanlovning tashkiliy masalalari ishtirokchilar tomonidan (ishtirok uchun) to'lanadigan badal to'lovi hisobidan, homiylik mablag'lari hamda qonunchilikda ta'qiqlanmagan boshqa manbaalar hisobidan moliyalashtiriladi.

12.2. Badal to'lovi o'z ichiga quyidagilarni oladi:

- a) Gran Pri sovrindorlari uchun mukofotlar, statuetka, sertifikat
- b) ishtirokchilar uchun diplom va tashakkurnomalar
- c) 1-2-3-o'rin sovrindorlari uchun medallar
- d) nominatsiya g'oliblariga sertifikat va maxsus sovg'alar
- e) barcha ishtirokchilarga sovg'alar to'plami
- f) tanlangan ustozlarga sovg'alar

MAXSUS SOVG'ALAR:

- Tanlovga eng ko'p ishtirokchi jalb etgan ta'lim muassasasi rahbari **qimmatbaho sovg'a (Televizor)** bilan taqdirlanadi.
- Tanlovga 10 tadan ortiq ishtirokchi jalb etgan pedagog uchun **10 + 1 aksiyasi** tadbiiq etiladi. (bunda, 11-ishtirokchi uchun to'lov undirilmaydi)

13-bob. Tanlovda ishtirok etish uchun ro'yxatdan o'tish (ariza topshirish)

13.1. Tanlovda ishtirok etish uchun to'lov miqdorlari quyidagicha:

Ishtirok uchun	450 000 so'm
<i>*Kam ta'minlangan oila farzandlari, chin yetim va nogironligi bor ishtirokchilar uchun</i>	15 % chegirma qo'llaniladi
<i>**Bir ishtirokchining o'zi ikki va undan ortiq nominatsiya (yoki yo'nalish)da ishtirok etganda, ikkinchi yo'nalishdan boshlab</i>	15 % chegirma qo'llaniladi
<i>***Bir ota-onaning ikkita farzandi ishtirok etganda ikkinchi ishtirokchi uchun</i>	15 % chegirma qo'llaniladi

**Kam ta'minlangan oila farzandlari, chin yetim va nogironligi bor ishtirokchilar ro'yxatdan otish jarayonida tasdiqlovchi hujjat ilova qilingan taqdirda imtiyozdan foydalana oladi.*

*** Misol: Abdullayev Boburbek Tasviriy san'at yo'nalishida oldin ro'yxatdan o'tgan. Endi Amaliy san'atdan ham ro'yxatdan o'tmoqchi. Shunday holatda, ikkinchi (va undan keyingi) marta ro'yxatdan o'tganida imtiyozdan foydalanadi.*

**** Bir ota onaning ikki va undan ortiq farzandlari ishtirok etganda ikkinchisidan boshlab 15% imtiyoz bilan to'lov qiladi. Tasdiqlash uchun oila tarkibi tasdiqlangan hujjat taqdim etiladi. (my.gov.uz) Misol uchun: Akasi 100% to'lov qilgan bo'lsa, ukasi 85% to'lov qiladi.*

*****Bir ishtirokchi tanlovda ishtirok etish uchun faqat bir marta imtiyozdan foydalanishi mumkin.*

To'lovni amalga oshirish uchun hisob raqami:

2020 8000 1073 2283 1001

MFO: 01033

13.2. Tanlovda ishtirok etish uchun ariza qoldirish:

Telegram kanali: @ijodiy_tanlovlar

Ariza topshirish: @tanlov_2025_admin

Telefon raqam: **+99888-851-60-60**

